

Тропарь и кондак святому праведному Петру Владимирскому
22 октября 2015 г. 22:00

Тексты тропаря и кондака святому праведному Петру Владимирскому утверждены на заседании Священного Синода 22 октября 2015 года ([журнал № 81](#)).

Месяца августа в 30-й день
Праведнаго Петра пресвитера Владимирскаго, исповедника

Тропарь, глас 3:

Земли Российския украшение,/ исповедниче отче Петре,/ в правей вере и благочестии пожил еси,/ верныя в годину гонений утешая и истине научая,/ узы, поношения и скорби претерпел еси/ и венец правды от Христа Бога приял еси./ Сего ради молим тя:/ спасай нас молитвами твоими/ от всех бед и напастей.

Кондак, глас 4:

Первоверховному апостолу пастыря соименнаго,/ утешителя скорбящих и целителя немощных,/ хвалу и утешение наше днесь любовью восхвалим, вернии./ Сей бо есть целитель доблий/ и молитвенник теплый о душах наших.

Молитва

О, пресвитере и служителю Божий, отче святой Петре, избранниче и пастырю Христов! Ты измлада Бога искренне возлюбил еси, душу храмом Святаго Духа соделал еси и всего себе, яко жертву чисту, Спасу Христу принесл еси до последняго твоего исхода.

Ей, праведниче Петре, от древних святынь Печерския Лавры, яко от полноводныя реки, познанию истины наученный! Ты, тяжкий и тернистый путь спасения ради души твоея от Бога восприем, Христа пред миром лукавым, от негоже поношения жестокая претерпевая, даже до смерти исповедал еси и, яко пастырь дивный, дары Божия показуя, в земли Владимирстей на радость и утешение людем страждущим явился еси. Отвсюду бо в весь Великодворскую за помощью и утешением к тебе болящии и недужнии прихождаху и врачевство велие от тебе приимаху. Темже и мы, недостойнии и грешнии чада твоя, дивящися твоему пред Богом дерзновению, взываем к тебе сице: испроси благостояние Церкви Русстей, в мори житейстем обуреваемей, Отечеству нашему мир и обновление духовное; нам же утверждение и преспеяние в вере, христианскую кончину и Божие милосердие на Страшном Суде Христовом, идеже праведницы

возсияют, яко солнце, с нимиже да сподобимся и мы прославляти в Троице певаемого Бога, Отца и Сына и Святаго Духа. Аминь.